

國
朝
文
錄

亭林文錄目錄

卷一

郡縣論一

郡縣論二

郡縣論三

郡縣論五

郡縣論六

錢糧論上

生員論上

生員論中

音學五書序

西安府儒學碑目序

儀禮鄭注句讀序

廣宋遺民錄序

卷二

與友人論學書

與友人論易書

與友人論父在爲母齊衰期書

答原一公肅兩甥書

答李子德書

與三姪書

與王虹友書

與人書三

與人書十八

裴村記

拽梯郎君祠記

復庵記

華陰王氏宗祠記

讀隋書

亭林文錄

崑山顧炎武寧人著

後學上高李祖陶欽之評點

高安吳煌古愚校刊

○郡縣論一

知封建之所以變而爲郡縣則知郡縣之敝而將復變。然則將復變而爲封建乎。曰不能。有聖人起。寓封建之意於郡縣之中。而天下治矣。蓋自漢以下之人。莫不謂秦以孤立而亡。不知秦之亡。不封建。封建亦亡。而封建之廢。固自周衰之日而不自於秦也。封建之廢。非一日之故也。雖聖人起。亦將變而爲郡縣。方今郡縣之

敝已極而無聖人出焉。尚一一仍其故事。此民生之所以日貧。中國之所以日弱。而益趨於亂也。何則。封建之失。其專在下郡縣之失。其專在上。古之聖人。以公心待天下之人。胙之土而分之國。今之君人者。盡四海之內爲我郡縣。猶不足也。人人而疑之事。事而制之。科條文簿。日多於一日。而又設之監司。設之督撫。以爲如此。守令不得以殘害其民矣。不知有司之官。凜凜焉。救過之不給。以語曰。盡。郡。縣。之。得代爲幸。而無肯爲其民興一日之利者。民烏得而不窮。國烏得而不弱。率此不變。雖千百年。而吾知其與亂同事。日甚一日者矣。此卽提下諸屬。然則尊令長之秩。而卑之以生財治人之權。罷監司之任。設世官。

之獎行辟屬之法所謂寓封建之意於郡縣之中而二千年以來
之敝可以復振後之君苟欲厚民生強國勢則必用吾言矣

魏叔子封建論欲夾封建于郡縣之中此則卽以郡縣爲封建
法尤簡直此篇提明大綱以下八篇皆相爲首尾層遞發明

將當重奪其權下屬庶幾明故說未就圓

郡縣論二

其說曰改知縣爲五品官正其名曰縣令任是職者必用千里以內習其風土之人其初曰試令三年稱職爲眞又三年稱職封父母又三年稱職璽書勞問又三年稱職進階益祿任之終身其老疾乞休者舉子若弟代不舉子若弟舉他人者聽既代去處其縣爲祭酒祿之終身所舉之人復爲試令三年稱職爲眞如上法每三四縣若五六縣爲郡郡設一太守太守三年一代詔遣御史巡方一年一代其督撫司道悉罷令以下設一丞吏部選授丞任九年以上得補令丞以下曰簿曰尉曰博士曰驛丞曰司倉曰游徼若弟述何以得補令既舉于

曰。嗚夫之屬。備設之毋裁。其人聽令。自擇報名於吏部簿。以下得用本邑人爲之。令有得罪於民者。小則流。大則殺。其稱職者。既家於縣。則除其本籍。夫使天下之爲縣令者。不得遷。又不得歸。其身與縣終。而子孫世世處焉。不職者。流貪以敗官者。殺。夫居則爲縣宰。去則爲流人。賞則爲世官。罰則爲斬絞。豈有不勉而爲良吏者哉。

緊接上篇文有秦氣

○○郡縣論三

何謂稱職。曰。土地闢。田野治。樹木蕃。溝洫修。城郭固。倉廩實。學校興。盜賊屏。戎器完。而其大者。則人民樂業而已。夫養民者。如人家之畜。五口。然司馬牛者。一人。司芻豆者。復一人。又使紀綱之僕。監之升斗之計。必聞之於其主人。而馬牛之瘠也。日甚。吾則不然。擇一圉人之勤幹者。委之以馬牛。給之以牧地。使其所出常浮於所養。而視其肥息者。賞之。否則撻之。然則其爲主人者。必烏氏也。必橋姚也。故天下之患。一圉人之足。辨而爲是紛紛者也。不信其圉人。而用其監僕。甚者并監僕。又不信焉。而主人之耳目亂矣。於是。

愛馬牛之心常不勝其吝芻粟之計而畜產耗矣故馬以一圉人○_{對○結○自○明○}
○結○不○須○更○我○二○語○
而肥民以一令而樂

繫承上篇後乃暢發大意格致尤老

○ 郡縣論五

天下之人各懷其家。各私其子。其常情也。爲天子。爲百姓之心。必不如其自爲。此在三代以上已然矣。聖人者因而用之。用天下之私。以成一人之公。而天下治。夫使縣令得私其百里之地。則縣之人民皆其子姓。縣之土地皆其田疇。縣之城郭皆其藩垣。縣之倉廩皆其囷廩。爲子姓則必愛之。而勿傷。爲田疇則必治之。而勿棄。爲藩垣。則必繕之。而勿捐。自令言之。私也。自天子言之所求。平治天下者。如是焉止矣。一旦有不虞之變。必不如劉淵石勒王仙芝黃巢之輩。橫行千里。如入無人之境也。於是有效死勿去之。

守。於是。有合從。締交之拒。非爲天子也。爲其私也。爲其私。所以爲天子也。故天下之私天子之公也。公則說。信則人任焉。此三代之治。可以庶幾。而况乎唐漢之盛。不難致也。

此又專明其以子弟代之意

○郡縣諭六

天下之患莫大乎貧。用吾之說，則五年而小康，十年而大富。只利莊之以馬言之，天下驛遞往來，以及州縣上計京師，自事司府迎候上官遞送文書，及庶人在官所用之馬，一歲無慮百萬匹。其行無慮萬萬里，今則十減六七。而西北之馬羸不可勝用矣。以文冊言之，一事必報四衙門，往復駁勘必數次，以及迎候生辰拜賀之用，其紙料之費，率諸民者歲不下巨萬。今則十減七八。而東南之竹箭，不可勝用矣。他物之稱是者，不可悉數。且使爲令者得以省耕斂，教樹畜而田功之獲，果蓏之收，六畜之孳，材木之茂，五年之中必

當倍益。從是而山澤之利亦可開也。夫采礦之役自元以前歲以
爲常。先朝所以閉之而不發者以其召亂也。譬之有窖金焉。發於
五達之衢。則市人聚而爭之。發於堂室之內。則惟主人有之。門外
者不得而爭也。今有礦焉。天子閉之。是發金於五達之衢也。縣令
開之。是發金於堂室之內也。利盡山澤而不取諸民。故曰此富國
之策也。

上篇言國不至弱。此篇言民不至於貧。文筆皆老潔之至。他
人縱有此主意。必費千言。纔發揮得明白。此先生之所以不可
及也。

○錢糧論上

自禹湯之世不能無凶年。而民至於無糧賣子。夫凶年而賣其妻子者。禹湯之世所不能無也。豐年而賣其妻子者。唐宋之季所未嘗有也。往在山東見登萊並海之人多言穀賤處山僻不得銀以輸官。今來關中自鄆以西至於岐下則歲甚登。穀甚多而民且相率賣其妻子。至徵糧之日則村民畢出。謂之人市問其長吏則曰一縣之鬻於軍營而請印者。歲近千人。其逃亡或自盡者又不知凡幾也。何以故。則有穀而無銀也。所獲非所輸也。所求非所出也。夫銀非從天降也。十人則既停矣。周禮官司徒十人廿古曠字海舶則旣撤矣。

中國之銀在民間者。已日消日耗。而况山僻之邦。商賈之所絕迹。須盡鞭撻之力以求之。亦安所得哉。故穀日賤。而民日窮。民日窮。而賦日誦。逋欠則年多一年。人丁則歲減一歲。率此而不變。將不知其所終矣。且銀何自始哉。古之爲富者。菽粟而已。爲其交易也。不得已而以錢權之。然自三代以至唐。所取於民者。粟帛而已。自楊炎兩稅之法行。始改而徵錢。而未有銀也。漢志言秦幣二等。而銀錫之屬。施於器飾。不爲幣。自梁時。始有交廣以金銀爲貨之說。宋仁宗景祐二年。始詔諸路歲輸緡錢。福建二廣易以銀。江東以帛。所以取之福建二廣者。以坑冶多。而海舶利也。至金章宗始。

鑄銀名之曰承安寶貨。公私同見錢用。哀宗正大間。民但以銀市易。而不用錢。至於今日。上下通行。而忘其所自然。然而考之。元史歲課之數。爲銀至少。然則國賦之用銀。蓋不過二三十年間爾。今之言賦。必曰錢糧。夫錢。錢不無名也。糧者也。亦惡有所謂銀哉。且天地之間。銀不益增。而賦則加倍。此必不供之數也。昔者唐穆宗時。物輕錢重。用戶部尚書楊於陵之議。令兩稅等錢皆易以布帛絲纊。而民便之。舊唐書穆宗紀。元和十五年八月辛未。吳郡尚書楊於陵總百寮錢貨輕重之議。取天下兩稅。榷酒鹽利等。悉以布帛任土所產物充稅。並不徵見錢。則物漸重。錢漸輕。農人見免。賤賣匹段。請中書門下御史臺諸司官長重議施行。從之。吳徐知誥。從朱齊邱之言。以爲錢非耕桑所得。使民輸錢。是教之棄本逐

末也。於是諸稅悉收穀帛紬絹。是則昔人之論取民者。且以錢爲難得也。以民之求錢爲不務本也。而况於銀乎。先王之制賦必取其地之所有。今若於通都大邑行商虧集之地。雖盡徵之以銀。而民不告病。至於遐陬僻壤。舟車不至之處。卽以什之三徵之。而猶不可得。以此必不可得者。病民而卒至於病國。則曷若度土地之宜。權歲入之數。酌轉般之法。而通融乎其間。凡州縣之不通商者。令盡納本色。不得已以其什之三徵錢。錢自下而上。則溢惡無所容。而錢價貴。是一舉而兩利焉。無蠲賦之虧。而有活民之實。無督責之難。而有完逋之漸。今日之計。莫便乎此。夫樹穀而徵銀。是畜

羊而求馬也。倚銀而富國是恃酒而充饑也。以此自愚而其敝至於國與民交盡是其計出唐宋之季諸臣之下也。

此弊言之甚透今民間以錢納糧而官爲兌銀以上之銀日少日貴不惟民病而官亦病

。生員論上

國家之所以設生員者何哉。蓋以收天下之才俊子弟。養之於庠序之中。使之成德達材。明先王之道。適當世之務。出爲公卿大夫。與天子分猷共治者也。今則不然。合天下之生員。縣以三百計。不下五十萬人。而所以教之者。僅場屋之文。然求其成文者。數十人。不得一。通經知古今。可爲天子用者。數千人。不得一也。而嚚訟逋頑。以病有司者。比比而是。上之人。以是益厭之。而其待之也。日益輕。爲之條約也。日益苛。然以此益厭。益輕。益苛。之生員。而下之人。猶日夜奔走之如鶩。竭其力而後止者。何也。一得爲此。則免於編

氓之役不受侵於里胥齒於衣冠得以禮見官長而無笞捶之辱
故今之願爲生員者非必其慕功名也保身家而已以十分之七今則不惟外身家也富者
以歸于人亦不能保身家也貧者必先安產已計而保身家之生員殆有三十五萬人此與設科之初意悖而非
國家之益也人之情孰不爲其身家者故日夜求之或至行關節
觸法抵罪而不止者其勢然也今之生員以關節得者十且七八
矣而又武生奉祀生之屬無不以錢鬻之夫關節朝廷之所必
諫而身家之情先王所弗能禁故以今日之法雖堯舜復生能去
在朝之四凶而不能息天下之關節也然則如之何請一切罷之
而別爲其制必選夫五經兼通者而充之又課之以二十一史與

當世之務而後升之仍分爲秀才明經二科而養之於學者不得過二十人之數無則闕之爲之師者州縣以禮聘焉勿令部選如此而國有實用之人邑有通經之士其人材必盛於今日也然則一鄉之中其粗能自立之家必有十焉一縣之中必有百焉皆不得生員以庇其家而同於編氓以受里胥之凌暴官長之笞撻豈王者保息斯人之意乎則有秦漢賜爵之法其初以賞軍功而其後或以恩賜或以勞賜或普賜或特賜而高帝之詔有曰今吾於爵非輕也其令吏善遇高爵稱吾意至惠帝之世而民得買爵夫使爵之重得與有司爲禮而復其戶勿專則人將趨之開彼則可

以塞此卽入粟拜爵其名尙公非若鬻諸生以亂學校者之爲害也。夫立功名與保身家二事也。收後又與恤平人二術也。竝行而不相悖也。一之則徹矣。夫人主與此不通今古之五十萬人共此天下其耗身家而免笞捶者且三十五萬焉而欲求公卿大夫之材於其中以立國而治民是緣木而求魚也。以守則必危以戰則必敗矣。

生員至今日而濫極矣又有納粟之例謂之監生普天之下不啻幾百萬人使先生見之不知當如何嗟歎然以代秦漢之賜爵可也而許之應舉則與生員並而弊益滋矣

○○生員論中

廢天下之生員而官府之政清廢天下之生員而百姓之困蘇廢天下之生員而門戶之習除廢天下之生員而用世之材出今天下之出入公門以撓官府之政者生員也倚勢以武斷於鄉里者生員也與胥吏爲緣甚有身自爲胥吏者生員也官府一拂其意則羣起而鬭者生員也把持官府之陰事而與之爲市者生員也前者譖後者和前者奔後者隨上之人欲治之而不可治也欲鋤之而不可鋤也小有所加則曰是殺士也坑儒也百年以來以此爲大患而一二識治體能言之士又皆身出於生員而不敢顯言

其弊故不能曠然一舉而除之也故曰廢天下之生員而官府之

政清也

天下之病民者有三曰鄉宦曰生員曰吏胥是三者法皆

此法今日已變亦不得不變

得以復其戶而無雜泛之差於是雜泛之差乃盡歸於小民今之

大縣至有生員千人以上者比比也且如一縣之地有十萬頃而

生員之地五萬則民以五萬而當十萬之差矣一縣之地有十萬

頃而生員之地九萬則民以一萬而當十萬之差矣民地愈少則

詭寄愈多詭寄愈多則民地愈少而生員愈重富者行關節以求

爲生員而貧者相率而逃且死故生員之於其邑人無秋毫之盈

而有邱山之累然而一切考試科舉之費猶皆派取之民故病民

之尤者生員也故曰廢天下之生員而百姓之困蘇也天下之患莫大乎聚五方不相識之人而教之使爲朋黨生員之在天下近或數百千里遠或萬里語言不同姓名不通而一登科第則有所謂主考官者謂之座師有所謂同考官者謂之房師同榜之士謂之同年同年之子謂之年姪座師房師之子謂之世兄座師房師之謂我謂之門生而門生之所取中者謂之門孫門孫之謂其師之師謂之太老師朋比膠固半不可解書牘交於道路請託狃於官曹其小者足以蠹政害民而其大者至於立黨傾軋取人主太此尤當用事今幸免阿之柄而顛倒之皆此之緣也故曰廢天下之生員而門戶之習

除也。國家之所以取生員而考之以經義論策表判者，欲其明六經之旨，適當世之務也。今以書坊所刻之義，謂之時文。舍聖人之經典，先儒之注疏，與前代之史不讀，而讀其所謂時文。時文之出每科一變，五尺童子能誦數十篇，而小變其文，即可以取功名。而鈍者至白首而不得遇，老成之士時文之弊如是。苟有卒不能變之，而少年捷得之者，又易視天下國家之事，以爲人生之所以爲功名者，惟此而已。故敗壞天下之人材，而至於士不成，官不成，官兵不成，兵將不成，將夫然後寇賊奸宄得而乘之，敵國外侮得而勝之。苟以時文之功用之於經史及當世之務，則必有聰明

俊傑。遠達治體之士。起於其間矣。故曰廢天下之生貞而用世之
材出也。

直起直收耆老之極

○○音學五書序

記曰。聲成文謂之音。夫有文斯有音。比音而爲詩。詩成然後被之樂。此皆出於天。而非人之所能爲也。三代之時。其文皆本於六書。其人皆出於族黨庠序。其性皆馴化於中和。而發之爲音。無不協於正。然而周禮大行人之職。九歲屬瞽史。諭書名聽聲音。所以一道德而同風俗者。又不敢略也。是以詩三百五篇。上自商頌。下逮陳靈。以十五國之遠。千數百年之久。而其音未嘗有異。帝舜之歌。草陶之牋。箕子之陳。文王周公之繫。無弗同者。雖論故三百五篇。古人之音書也。魏晉以下。去古日遠。詞賦日繁。而後名之曰韻。至宋周

顯梁沈約而四聲之譜作。然自秦漢之文其音已漸戾於古。至東京益甚。而休文作譜。乃不能上據雅南。失在四時爲並旁摭騷子以成不刊之典。而僅按班張以下諸人之賦。曹劉以下諸人之詩所用之音。撰爲定本。於是今音行而古音亡。爲音學之一變。下及唐代。以詩賦取士。其韻以陸法言切韻爲準。雖有獨用同用之注。而其分部未嘗改也。至宋景祐之際。微有更易。理宗末年。平水劉淵始併二百六韻爲一百七。元黃公紹作韻會。因之以迄於今。於是宋韻行而唐韻亡。爲音學之再變。世日遠而傳日訛。此道之亡。蓋二千有餘歲矣。炎武潛心有年。旣得廣韻之書。乃始發悟於中。而旁通其說。於

是據唐人以正宋人之失。據古經以正沈氏唐人之失。而三代以上之音部分秩如，至赜而不可亂。乃列古今音之變，而究其所以不同爲音論二卷。考正三代以上之音，注三百五篇爲詩本音。十卷注易爲易音三卷。辨沈氏部分之誤，而一一以古音定之。爲韻正二十卷。綜古音爲十部，爲古音表二卷。自是而六經之文，乃可讀。其他諸子之書，離合有之，而不甚遠也。天之未喪斯文，必有聖人復起，舉今日之音而還之淳古者。子曰：吾自衛反魯，然後樂正雅頌各得其所。實有望於後之作者焉。

勞分三層。音學源流如指。諸掌先生此書實足以承先啓後，後

有作者總不能出其範圍

西安府儒學碑目序

西安府儒學先師廟之後爲亭者五。環之以廊而列古今碑版於中。俗謂之碑洞。自嘉靖末地震而記志有名之碑多毀裂不存。其見在者猶足以甲天下。余遊覽之下因得考而序之。昔之觀文字模金石者必其好古而博物者也。今之君子有世代之不知。六書之不辨。而旁搜古人之蹟。蠱而束之以飼蠹鼠者。使郡邑有司煩於應命而工墨之費。計無所出。不得不取諸民。其爲害已不細矣。或碑在國門之外去邑數十武而隸卒一山村之蔬米舍之雞豚不足以供其飽。而父老子弟相率蹙額以有碑爲苦。又或在深山。

窮。谷。而。政。令。之。無。時。暑。雨。寒。冰。奔。馳。僵。仆。則。工。人。隸。卒。亦。無。不。以。
有。碑。爲。苦。者。而。民。又。不。待。言。於。是。乘。時。之。隙。培。而。毀。之。以。除。其。禍。
余。行。天。下。所。聞。所。見。如。此。者。多。矣。無。若。醴。泉。之。最。著。者。縣。凡。再。徙。
而。唐。之。昭。陵。去。今。縣。五。十。里。當。時。陪。葬。諸。王。公。主。功。臣。之。盛。墓。碑。
之。多。見。於。崇。禎。十。一。年。之。志。其。存。者。猶。二。十。餘。通。而。余。親。至。其。所。
止。見。衛。景。武。公。一。碑。已。剗。其。姓。名。土。人。云。他。碑。皆。不。存。存。者。皆。磨。
去。其。字。矣。夫。石。何。與。於。民。而。民。亦。何。讐。於。石。所。以。然。者。豈。非。今。之。
浮。慕。古。文。之。君。子。階。之。禍。哉。若。夫。碑。洞。之。立。凡。違。郊。之。石。並。昇。而。
致。之。其。中。既。便。於。觀。者。之。而。遠。而。工。人。屬。集。其。下。日。得。數。十。錢。以。

給衣食。是則害不勝利。今日之事。苟害不勝利。卽君子有取焉。余故詳列之。以告眞能好古者。若郊外及下邑之碑。予旣不能徧尋而恐錄之。以貽害。故弗具。且告後之有司。欲全境內之碑者。莫若徙諸邑中。而有識之君子。慎無以好古之虛名。至於病民而歟。否也。

讀此令人三歎。予生平到處皆訪求書籍而金石之文未蓄一通。固自愧淺陋。然亦可免先生之诮矣。

○儀禮鄭注句讀序

記曰。優優大哉禮儀三百。威儀三千。禮者本於人心之節文。以爲自治治人之具。是以孔子之聖。猶問禮於老聃。而其與弟子答問之言。雖目節之微。無不備悉。語其子伯魚曰。不學禮。無以立。鄉黨一篇。皆動容周旋。中禮之效。然則周公之所以爲治。孔子之所以爲教。舍禮其何以焉。劉康公有言。民受天地之中。以生。所謂命也。是以有動作禮義威儀之則。以定命也。三代之禮。其存於後世而無疵者。獨有儀禮一經。漢鄭康成爲之注。魏晉已下。至唐宋通經之士。無不講求於此。自熙甯中王安石變亂舊制。始罷儀禮不立。

學官而此經遂廢。此新法之爲經害者一也。南渡已後二陸起於金谿。其說以德性爲宗。學者伊其簡易。羣然趨之。而於制度文爲一切鄙爲末事。賴有朱子正言力辨。欲修三禮之書。而卒不能勝夫空虛妙悟之學。此新說之爲經害者二也。沿至於今。有坐臯比稱講師門徒數百。自擬濂洛。而終身未讀此經一編者。若天下之書。皆出於國子監所頒。以爲定本。而此經誤文最多。或至脫一箇一句。非唐石本之尙存於關中。則後儒無由以得之矣。○此古碑之文。見于今之碑。非有以知之。濟陽張爾岐。稷若篤志好學。不應科名。錄儀禮鄭氏注。而采賈氏陳氏吳氏之說。略以己意斷之。名曰儀禮鄭注句讀。又參定監本。脫誤凡二

百餘字。并考石經之誤五十餘字。作正誤二篇。附於其後。藏諸家塾。時方多故。無能板行之者。後之君子。因尙讀以辨其文。因文以識其義。因其義以通制作之原則。夫子所謂以承天之道而治人之情者。可以追三代之英。而幸有之歟。不發於伊川矣。如穀若者。其不爲後世太平之先倡乎。若乃據石經刊監本。復立之學官。以習士子。而姑勸之以祿利。使毋失其傳。此又有天下者之責也。新法爲經害人。皆知之。新說爲經害人。未知之也。一經拈出。而本朝窮經之儒。遂彬彬日盛矣。

廣宋遺民錄序

子曰。有朋自遠方來。不亦樂乎。古之人學焉而有所得。未嘗不舉。同志之人。而況當渤海橫流。風雨如晦之日乎。於此之時。其隨世以就功名者。固不足道。而亦豈無一二少知自好之士。然且改行於中道。而失身於暮年。於是士之求其友也。益難。而或一方不可得。則求之數千里之外。今人不可得。則慨想於千載以上。苟有一言一行。之有合於吾者。從而追慕之。思爲之傳。其姓氏而筆之書。嗚呼。其心良亦苦矣。吳江朱君明德。與僕同郡人。相去不過百餘里。而未嘗一面。今朱君之年六十有二矣。而僕又過之五齡。

一在寒江荒草之濱。一在絕障重關之外。而皆患乎無朋。朱君乃採輯舊聞。得程克勤所爲宋遺民錄。而廣之至四百餘人。以書來問序於予。殆所謂一方不得其人。而求之數千里之外者也。其於宋之遺民。有一言一行。或其姓氏之畱於一二名人之集者。盡舉而筆之。書所謂今人不可得而慨想於千載以上之人者也。余旣夢聞且耄矣。不能爲之訂正。然而竊有疑焉。自生民以來。所尊莫如孔子。而論語禮記。皆出於孔氏之傳。然而互鄉之童子。不保其往也。伯高之赴所知而已。孟懿子葉公之徒。問答而已。食於少施氏而飽。取其一節而已。今諸纂姓氏於一二名人之集者。豈無一

日之交而不終其節者乎。或邂逅相遇而道不同者乎。固未必其人之皆可述也。然而朱君猶且眷眷於諸人而并號之爲遺民夫亦以求友之難而託思於此歟。莊生有言子不聞越之流人乎去國數日見其所知而喜去國旬月見其所晉見於國中者喜及期年也見似人者而喜矣。余嘗遊覽於山之東西河之南北二十餘年而其人益以不似及問之大江以南昔時所稱魁梧丈夫者亦且改形換骨學爲不似之人而朱君乃爲此書以存人類於天下若朱君者將不得爲遺民矣乎。因書以答之吾老矣將以訓後之人冀人道之猶未絕也。

王于一序李小有宋遺民廣錄意苦詞悲可謂不遺餘力矣此序似以談笑出之而長歌之哀乃正過於痛哭

亭林文錄卷二

崑山顧炎武甯人著

後學上高李祖陶欽

高安吳煌古

○○與友人論學書

比往來南北頗承友朋推一日之長問道於盲竊歎夫百餘年以來之爲學者往往言心言性而茫乎不得其解也命與仁夫子之所罕言也性與天道子貢之所未得聞也性命之理著之易傳未嘗數以語人其答問士也則曰行已有耻其爲學則曰好古敏求其與門弟子言舉堯舜相傳所謂危微精一之說一切不道而但

曰允執其中。四海困窮。天祿永終。嗚呼聖人之所以爲學者何。其平易而可循也。故曰下學而上達。顏子之幾乎聖也。猶曰博我以文。其告衷公也。明善之功先之以博學。自曾子而下篤實無若子夏。而其言仁也。則曰博學而篤志。切問而近思。今之君子則不然。聚賓客門人之學者數千百人。譬諸草木區以別矣。而一皆與之言心言性。舍多學而識。以求一貫之方。置四海之困窮不言而終日講危微精一之說。是必其道之高於夫子而其門弟子之賢於子貢。祧東魯而直接二帝之心傳者也。我弗敢知也。孟子一書言心言性。亦諄諄矣。乃至萬章公孫丑陳臻周霄彭更之所問。

與孟子之所答者常在乎出處去就辭受取與之間以伊尹之元聖堯舜其君其民之盛德大功而其本乃在乎干駟一介之不視不取伯夷伊尹之不同於孔子也而其同者則以行一不義殺一不辜而得天下不爲是故性也命也天也夫子之所罕言而今之君子之所恒言也出處去就辭受取與之辨孔子孟子之所恒言而今之君子所罕言也謂忠與清之未至於仁而不知不忠與清而可以言仁者未之有也謂不忮不求之不足以盡道而不知終身於忮且求而可以言道者未之有也我弗敢知也愚所謂聖人之道者如之何曰博學於文曰行已有耻自一身以至于天下國

家皆學之事也。自子臣弟友以至出入往來辭受取與之間。皆有恥之事也。恥之於人大矣。不恥惡衣惡食而恥匹夫匹婦之不被其澤。故曰萬物皆備於我矣。反身而誠。嗚呼。士而不先言恥。則爲無本之人。非好古而多聞。則爲虛空之學。以無本之人。而講空虛之學。吾見其日從事於聖人而去之彌遠也。雖然。非愚之所敢言也。且以區區之見。私諸同志而求起予。

以博學有恥。救當時虛空狂躁之失。詞旨浩落。如障百川而東之。亦可云功不在禹下矣。

○○○與友人論易書

承示圖書象數卜筮卦變四考爲之歎服僕嘗讀劉歆移太常博士書所謂輔弱扶微兼包大小之義而譏時人之保殘守缺雷同相從以爲師說未嘗不三復於其言也昔者漢之五經博士各以家法教授易有施孟梁邱京氏尚書歐陽大小夏侯詩齊魯韓毛禮大小戴春秋嚴顥不專於一家之學晉宋已下乃有博學之士會粹貫通至唐時立九經於學官孔穎達賈公彥爲之正義卽今所云疏者是也排斥眾說以申一家之論而通經之路狹矣及有明洪武三年十七年之科舉條格易主程朱傳義書主蔡氏傳詩

主朱子集傳。俱兼用古注疏。春秋主左氏。公羊穀梁胡氏。張洽傳。禮記主古注疏。猶不限於一家。至永樂中纂輯大全。并本義於程傳。去春秋之張傳。及四經之古註疏。前人小注之文。稍異於大注者。不錄。欲道術之歸於一。使博士弟子。無不以周易變。大全爲業。而通經之路。愈狹矣。注疏刻於萬曆中年。但頒行天下。藏之學官。未嘗立法。以勸人之誦習也。試問百年以來。其能通十三經注疏者。幾人哉。以一家之學。有限之書。人間之所共有者。而猶苦其難讀也。况進而求之儒者之林。羣書之府乎。然聖人之道。不以是而中絕也。故曰仁者見之謂之仁。知者見之謂之知。昔之說易者。無慮數千。

百家如僕之孤陋而所見及寫錄唐宋人之書亦有十數家。有明之人之書不與焉。然未見有過於程傳者。且夫易之爲書廣大悉備。一爻之中。具有天下古今之大。而注解之文。豈能該盡。若大著所謂此爻爲天子。此爻爲諸侯。此爻爲相。此爻爲師。蓋本之崔憬解。繫辭二與四三與五同功異位之說。然此特識其大者而已。其實人人可用。故曰君子所居而安者。易之序也。所樂而玩者。爻之辭也。故夫子之傳易也。於見龍在田而本之。以學問寬仁之功。於鳴鶴在陰而擬之。以言行樞機之發。此爻辭之所未及。而夫子言之。然天下之理實未有外於此者。素以爲約禮後之意也。高山景

行好仁之情也。諸姑伯姊尊親之序也。夫子之說詩猶夫子之傳易也。後人之說易也必以一人一事當之。此自傳注之例宜然。學者舉一隅而以三隅反可爾。且以九四或躍之爻論之。舜禹之登庸伊尹之五就周公之居攝。孔子之歷聘皆可以當之。而湯武特其一義。又不可連比四五之爻爲一時之事。而謂有飛龍在天之君必無湯武革命之臣也。將欲廣之適以狹之。此舉業以來之通弊也。是故盡天下之書。皆可以注易而盡天下注易之書不能以盡易。此聖人所以立象以盡意而夫子作大象多於卦爻之辭之外別起一義。以示學者使之觸類而通此。卽舉隅之說也。天下之

變無窮。舉而措之天下之民者亦無窮。若但解其文義而已。韋編
何待於三絕哉。子所雅言。詩書執禮。詩書執禮之文。無一而非易
也。下而至于春秋二百四十二年之行事。秦漢以下史書百代存
亡之迹。有一不該於易者乎。故曰易有聖人之道四焉。以言者尚
其辭。以動者尚其變。以制器者尚其象。以卜筮者尚其占。愚嘗勸
人以學易之方。必先之以詩書。執禮。而易之爲用。存乎其中。然後
觀其象而玩其辭。則道不虛行。而聖人之意可識矣。不審高明以
爲然否。

前段泛論經學轉變之由。後段專論易道之廣大。推倒豪傑。開

指心督斷推此種

○與友人論父在爲母齊衰期書

承教以處今之時。但當著書不必講學。此去名務實之論。良獲我心。惟所辨。父在爲母服一事。則終不敢舍二禮之明文。而從後王之臆制。徇野人之恩。而忘嚴父之義也。夫爲父斬衰三年。爲母齊衰三年。此從子制之也。父在爲母齊衰期。此從夫制之也。儀禮喪服傳曰。何以期也。屈也。至尊在。不敢伸其私尊也。問喪篇曰。父在不敢杖。尊者在故也。喪服四制曰。資於事父以事母。而愛同天無二日。土無二王。國無二君。家無二尊。以一治之也。故父在爲母齊衰期者。見無二尊也。所謂三綱者。夫爲妻綱。父爲子綱。夫爲妻之

服除則子爲母之服亦除此嚴父而不敢自尊不義也奈何忘其父爲一家制禮之主而論異同較厚薄於其子哉伯魚之母死期而猶哭夫子聞之曰誰與哭者門人問鯉也夫子曰嘻其甚也伯魚聞之遂除之伯魚之母孔子之妻也孔子爲妻之服旣除則伯魚不敢爲其母之私恩而服過期之服所謂先王制禮不敢過也喪服子夏傳曰禽獸知母而不知父野人曰父母何算焉都邑之士則知尊禡矣喪服小記曰祖父卒而後爲祖母後者三年是則厭在而不得伸其三年者厭於父也祖父在而不得伸其三年者於祖父也服之者仁也不得伸者義也品節斯之謂禮雖然

傳曰父必三年然後娶達子之志也然則十五月而禫之外爲之子者豈忍遂食稻衣錦而居於內乎志之爲言卽心喪之謂以父之尊廟之而又以父之三年不娶者達之聖人所以處人父子之間者仁之至義之盡矣自禮教不明喪紀廢壞而徒以衰麻之服爲喪宜執事之疑而不敢安也經傳言三年之喪不謂之三年之服也夫三日不怠三月不解期悲哀三年憂者此三年之喪也練而慨然祥而廓然者此三年之喪也泣血三年未嘗見齒者此三年之喪也喪云喪云衰麻云乎哉且執事謂今之父在爲母者果能服三年之服乎卒哭之後固有屬於父而易爲縗白淺淡之衣

者矣。是則并其衰麻之服亦有所不盡行。然而二十七月之內。不聽樂。不昏嫁。不赴舉。不服官。則自周公以來。固已如此矣。且夫禮有母爲長子三年之文。先儒以爲不得以父在屈至期。何也。從乎父也。父除則雖子之爲母而不敢不出。○出。○。尊。○。意。父未除則雖母之爲子而不敢除。故子有爲母期者。母有爲長子三年者。孟子曰。禮之實節文斯二者是也。若但曰父母之親同。其愛同。其服同。則孩提之童。無不知之者矣。何待聖人爲之制哉。曾子問曰。竝有喪如之何。何先何後。孔子曰。葬先輕而後重。其奠也先重而後輕。以父爲重。以母爲輕。苟非斯言之出於聖人。則亦將爲俗儒之所議矣。若夫土

元洪武改革之條。廬陵冰元行。沖積無量駁正之說。當亦執事舊聞。不煩更述。惟祈詳督。

喪服今不同于古者不止一端。當時儒者皆于此等處斷斷辨之。亦見據經守正之義。

答原一公肅兩甥書

老年多暇。追憶曩遊。未登弱冠之年。卽與斯文之會。隨周俊之後。塵步揚班之逸躅。人推月旦。家擅雕龍。此一時也。已而山嶽崩頽。江湖沸渭。酸棗之陳詞慷慨。尙記臧洪。睢陽之斷指淋漓。最傷南八。重泉雖隔。方寸無睽。此又一時也。已而奴隸鴟張。親朋瀾倒。或有聞死灰之語。流涕而省韓安。覽窮鳥之文。撫心而明趙壹。終憑公論。得脫危機。此又一時也。凡此三者之人。騎箕化鶴。多不可追。荀爽閭孫。往往而在此。卽擔簋戴笠。陌路相逢。猶且爲之敍殷勤。

陳夙昔班荆鄭國之野。貰酒黃公之廬。而况吾甥欲以郡中之園。

爲吾寓舍。每往時之息壤。不乏同盟。坐今日之皋比。難辭後學。使
鵝棗。蘋其乾饌。以慰既乖良友之情。彌失故人之望。且吾今居關
華。每年日用約費百金。若至吳門。便須五倍。吾甥能爲辦之否乎。
又或謂廣廈之歛。可以大庇寒士。九里之潤。亦當施及吾儕。而曰
吾爾皆同聲氣。同患難之人。爾有鼎貴之甥。可無挹注之誼。因第
覓覓。見彈求鵠。有如退之詩所云。偶然題作木居士。便有無窮祈
福人者。吾甥復能副之否乎。雖復田文無忌。不可論之。當今假使
元美天如。當必有以處此。而如其不然。則必以觖望之懷。更招多
口之議。况山林晚暮。已成獨往之蹤。城市云爲。終是徇人之學。然

則吾今日之不來。非惟自適。亦所以善爲吾悅地也。

旣不出仕于朝。又不願歸老子。爾甥之家。蹤跡奇甚。然思之。時熟。不惟全已。兼恐累人。

○答李子德書

三代六經之音失其傳也久矣。其文之存於世者多後人所不能通。以其不能通而輒以今世之音改之。於是乎有改經之病。始自唐明皇改尚書而後人往往效之。然猶曰舊爲某今改爲某。則其本文猶在也。至於近日鑄本盛行。而凡先秦以下之書率臆徑改。不復言其舊爲某。則古人之音亡而文亦亡。此尤可歎者也。開元十三年勅曰朕聽政之暇乙夜觀書每讀尚書洪範至無偏無頗遵王之義三復茲句常有所疑據其下文並皆協韻惟頗一字實則不倫。又周易泰卦中无平不陂釋文云陂字亦有頗音陂之與

頗訓詁無別。其尙書洪範無偏無頗字。宜改爲陂盪。不知古人之讀義爲我。而頗之未嘗誤也。易象傳鼎耳革失其義也。覆公餗信如何也。禮記表記仁者右也。道者左也。仁者人也。道者義也。是義之讀爲我。而其見於他書者。遠數之不能終也。王應麟曰。宣和六年詔洪範復舊文爲頗。然監本猶仍其故。而史記宋世家之述此書。則曰無偏毋頗。昌氏春秋之引此書。則曰無偏無頗。其本之傳於今者。則亦未嘗改也。易漸上九。鴻漸於陸。其羽可用爲儀。范誇昌改陸爲達。朱子謂以韻讀之。良是。而不知古人讀儀爲俄。不與達爲韻也。小過上六。弗遇過之。飛鳥離之。朱子存其二說。謂仍當

此段詳辨

以下連繫引申

作弗過遇之。而不知古讀離爲羅。正與過爲韻也。雜卦傳晉晝也。
明夷誅也。孫奕改誅爲昧。而不知古人讀晝爲注。正與誅爲韻也。
楚辭天問箇秋在臺。譽何宜元烏致詒。女何嘉。後人改嘉爲喜。而
不知古人讀宜爲牛。何反正與嘉爲韻也。招魂魄兮歸來。北方不
可以止。些增水峨峨。飛雪萬里些。歸來歸來。不可以久。些五臣文
選本作不可以久止。而不知古人讀久爲几。正與止爲韻也。老子
朝甚除。田甚蕪。倉甚虛。服文采。帶利劍。厭厭食財貨。有餘是爲盜。
夸楊慎改爲盜等。謂本之韓非子。而不知古人讀夸爲剝。正與除
爲韻也。淮南子原道訓。以天爲蓋。以地爲輿。四時爲馬。陰陽爲騶。

乘雲陵霄與造化者俱縱志舒節以馳大區後人改騶爲御據吳才老韻補引

此作騶而不知古人讀騶爲邾正與興爲韻也史記龜策傳雷電將之風雨迎之流水行之俟玉有德乃得當之後人改迎爲送而不知古人讀迎爲昂正與將爲韻也太史公自序有法無法因時爲業有度無度因物與舍今漢書司馬遷傳亦正作舍而後人改爲合不知古人讀舍爲恕正與度爲韻也柏梁臺詩上林令曰去狗逐免張罿罘今本改爲罘罿又改爲罘罿而不知古人讀罘爲扶之反正與時爲韻也楊雄後將軍趙充國頌在漢中興充國作武赳赳桓桓亦紹厥後五臣文選本改後爲緒而不知古人讀後

爲戶正與武爲韻也。繁欽定情詩何以結相於金簿畫搔頭後人改於爲投而不知古人讀頭爲徒正與於爲韻也。陸雲答兄平原詩巍巍先基重規累構赫赫重光遐風激驚今本改驚爲驚而不知古人讀構爲故正與驚爲韻也。齊武帝佔客樂昔經樊鄧役阻潮梅根治瀼懷悵往事意滿辭不敍今本改治爲渚不知宋書百官志江南有梅根及治塘二治而古人讀治爲墅正與敍爲韻也。隋書載梁沈約歌赤帝辭齊醍在堂笙鋪在下匪惟七百無絕終古今本改古爲始不知長無絕兮終古乃九歌之辭而古人讀下爲戶正與古爲韻也。詩曰汎彼柏舟在彼中河髡彼兩髦實惟我

證亦是徒與首歲別

儀之死矢靡他則古人讀儀爲俄之證也易離九三日昃之離不鼓缶而歌則大耋之嗟則古人讀離爲羅之證也張衡西京賦微道外周于廬內附衛尉入屯巡夜警晝則古人讀晝爲注之證也詩曰君子偕老副笄六珈委委佗佗如山如河象服是宜子之不淑云如之何則古人讀宜爲牛何反之證也又曰何其久也必有以也又曰吉甫燕喜旣多受祉來歸自鎬我行永久則古人讀久爲凡之證也左思吳都賦橫塘査下邑星隆夸長干延屬飛甍舛互則古人讀夸爲劄之證也漢書敍傳舞陽鼓刀膝公廢驄穎陰商販曲周庸夫攀龍附鳳竝乘天衢則古人讀駟爲邾之證也莊

子不將不迎。應而不藏。故能勝物而不傷。又曰。無有所將。無有所迎。則古人讀。迎爲昂之證也。曲禮將適。舍求無固。離騷余固知。謇之爲忠兮。忍而不能舍也。指九天以爲正兮。夫惟靈修之故也。則古人讀。舍爲恕之證也。秦始皇東觀刻石文。常職既定。後嗣循業。長承聖治。羣臣嘉德。祇誦聖烈。請刻之罘。則古人讀。罘爲扶之反。之證也。詩曰。予曰有疏附。予曰有奔走。予曰有禦侮。則古人讀。後爲戶之證也。史記龜策傳。今寡人夢見一丈夫。延頸而長頭。衣元纊之衣。而乘輜車。則古人讀。頭爲徒之證也。荀子肉腐出蟲。魚枯生蠹。怠慢忘身。禍灾乃作。彊自取柱。柔自取束。邪。

穢在身。怨之所構。作東竝去聲。則古人讀構爲故之證也。馬融廣成頌。然後緩節舒容。裴徊安步。降集波灘。川衡澤虞。矢魚陳罟。茲飛宿沙。田開古治。翬終葵揚。闢斧刊重冰。撥轡戶測潛鱗。踵介旅。則古人讀治爲疋之證也。詩曰。於以奠之。宗室牖下。誰其戶之有。齊季女。則古人讀下爲戶之證也。凡若此者。遽數之不能終也。其爲古人之本音。而非叶韻。則陳第已辨之矣。若夫近日之鋟本。又有甚焉。阮瑀七哀詩。冥冥九泉室。漫漫長夜臺。身盡氣力索。精魂靡所能。今本改能爲迴。不知廣韻十六咍部元有能字。姚寬證之。以後漢書黃琬傳。欲得不能。光祿茂才以爲不必是。鼈矣。張說隨

以上文法又略別

右節度大使郭知運神道碑銘河曲迴兵臨洮舊防手握金節魂

沈玉帳千里送喪三軍慟愴唐文粹本改防爲址以叶上文喜祉

諸字不知廣韻四十一樣部元有防字而峻岨勝埒長城豁險吞
若巨防已見於左思之蜀都賦矣盧照鄰奉使益州詩峻岨勝埒高標吞巨防正川蜀都賦語今本盧詩改防爲筋

李白日夕山中有懷詩久臥名山雲遂爲名山客山深

雲更好賞弄終日夕月衡樓間峯泉漱階下石素心自此得真趣

非外借今本改借爲惜杜甫鄭典設同

不知廣韻二十二晉部元

有借字而傷美物之遂化怨浮齡之如借已見於謝靈運之山居賦矣

凡若此者亦遽斂之不能終也其詳並見唐韻正本字下嗟夫學者讀聖

人之經與古人之作而不能通其音。不知今人之音不同乎古也。而改古人之文以就之。可不謂之大惑乎。昔者漢熹平四年議郎蔡邕奏求正定五經文字。乃自書丹於碑。使工鐫刻立於大學門外。後儒晚學咸取正焉。魏正始中又立古文篆隸三字石經。自是以來古文之經不絕於代。傳寫之不同於古者。猶有所疑而考焉。天寶初詔集賢學士衛包改爲今文。而古文之傳遂泯。此經之一變也。漢人之於經。如先後鄭之釋三禮。或改其音而未嘗變其字。子貢問樂一章錯簡明白。而仍其本文。不敢移也。注之於下而已。所以然者。述古而不自專。古人之師傳固若是也。及朱子之正大

學繫辭。徑以其所自定者爲本文而以錯簡之說注於其下。已大
破拘繫之習。後人效之。周禮五官互相更易。彼此紛糾。召南小雅
且欲移其篇第。此經之又一變也。聞之先人。自嘉靖以前。書之鋟
木。雖不精工。而其所不能通之處。注之曰疑。今之鋟本加精。而疑
者不復注。且徑改之矣。以甚精之刻。而行其徑改之文。無怪乎舊
本之日微。而新說之愈鑿也。故愚以爲讀九經。自考文。始考文。自
知音。始以至諸子百家之書。亦莫不然。不揣寡昧。僭爲唐韻正一
書。而於詩易二經。各爲之音。日詩本音。日易音。以其經也。故列於
唐韻正之前。而學者讀之。則必先唐韻正。而次及詩易二書。明乎。

之所以變而後三百五篇與卦爻象象之文可讀也。其書之條理最爲精密。竊計後之人必有患其不便於尋討而更竄併入之者而不得不豫爲之說以告也。夫子有言：齊一變，至於魯；魯一變，至於道。今之廣韻固宋時人所謂菟園之冊家傳而戶習者也。自劉淵韻行而此書幾於不存。今使學者睹是書而曰：自齊梁以來，周融沈約諸人相傳之韻，固如是也。則俗韻不攻而自絀。所謂一變而至魯也。又從是而進之，五經三代之書而知秦漢以下，至於齊梁歷代遷流之失。而三百五篇之詩可弦而歌之矣。所謂一變而至道也。故吾之書一循廣韻之次第而不敢輒更。亦猶古人之意。

且使下學者易得其門而入。非托之足。下其誰傳之。今鈔一帙附往。而考古之後。日知所無。不能無所增益。則此書之猶未得爲完本也。

見解精證據確敍次亦極有條理古韻遂從此大明

○與三姪書

新正已移至華下祠堂書院之事雖皆秦人爲之。然吾亦須自買
堡中書室一所。水田四五十畝爲饔飧之計。秦人慕經學重處士。
持清議實與他省不同。黃精松花山中所產沙苑蒺藜止隔一水。
終日服餌便可不肉不茗。然華陰縮轂關河之口。雖足不出戶而
能見天下之人。聞天下之事。一旦有警。入山守險。不過十里之遙。
若志在四方。則一出關門。亦有建瓴之便。今年三月乘道途之無
虞。及筋力之未倦。出崤函觀伊雒。歷嵩少。亦有一二好學之士。聞
風願交。但中土饑荒。不能久畱。遂旋車而西矣。彼中經營方始固

不能久留于外也。

先生行止靡定晚年乃欲以華下爲菟裘而首邱之思久絕矣

○與王虹友書

流寓關華。已及二載。幸得棲遲泉石。不與弓旌而此中一二紳韋。頗知重道。管幼安之客公孫。惟說六經之旨。樂正襄之友獻子。初無百乘之家。若使戎馬不生。弦歌無輟。卽此可爲優遊卒歲之地矣。惟是筋力衰隤。山川彌邈。獲麟西野。粗成撥亂之書。化鵠東州。未卜歸來之日。言念邦族。憬然如何。

大規模大氣象爲寓公者當知之

○與人書三

孔子之刪述六經。卽伊尹太公救民於水火之心。而今之注蟲魚
命草木者。皆不足以語此也。故曰載之空言。不如見諸行事。夫春
秋之作言焉而已。而謂之行事者。天下後世用以治人之書。將欲
謂之空言而不可也。愚不揣有見於此。故凡文之不關於六經之。
指當世之務者。一切不爲。而既以明道救人。則於當今之所通患。
○人○此○所○以○言○滿○天○下○無○日○過○也○
而未嘗專指其人者。亦遂不敢以僻也。

此作可作亭林文集序。

與人書十八

宋史言劉忠肅每戒子弟曰士當以器識爲先一命爲文人無足觀矣僕自一讀此言便絕應酬文字所以養其器識而不墮於文人也懸牌於室以拒來請人所共見是下尚不知瑣抑將謂隨俗爲之而無傷於器識耶中孚爲其先妣求傳再三終已辭之蓋止爲一人一家之事而無關於經術政理之大則不作也韓文公文起八伐之衰若但作原道原毀爭臣論平淮西碑張中丞傳後序諸篇而一切銘狀概爲謝絕則誠近代之泰山北斗矣今猶未敢許也此非僕之言當日劉叉已譏之

先生立言之旨其嚴如此

○○裴村記

嗚呼。自治道愈下。而國無彊宗。無彊宗。是以無立國。無立國。是以內潰外畔。而卒至於亡。然則宗法之存。非所以扶人紀。而張國勢者乎？余至聞喜縣之裴村。拜於晉公之祠。問其苗裔。尚一二百人。有釋耒而陪拜者。出至官道傍。讀唐時碑載其譜牒世系。登隴而望。十里之內。塚墓相連。其名字官爵可考者。尙百數十人。蓋近古氏族之盛。莫過於唐。而河中爲唐近畿地。其地重而族厚。若解之柳聞喜之裴。皆歷任數百年。冠裳不絕。汾陰之薛。憑河自保於石虎。苻堅割據之際。而未嘗一仕。其朝猗氏之樊王。舉義兵以抗高

歎之眾此非三代之法猶存而其人之賢者又率之以保家亢宗
之道胡以能久而不衰若是自唐之亡譜牒與之俱盡然而裘樞
輩六七人猶全忠所忌必待殺之白馬驛而後篡唐氏族之有關於人國也如此至於五代之季天位幾如弈棋而大族高門降爲阜隸靖康之變無一家能相統帥以自保者夏縣之司馬氏舉宗南渡而反其里者未百年也嗚呼此治道之所以日趨於下一旦有變人主無可仗之大臣國人無可依之巨室相率奔竄以求苟免是非其必至之勢也與是以唐之天子貴士族而厚門廕蓋知封建之不可復而寓其意於士大夫以自衛於一旦倉黃之際固

此一節記載宋太祖和之而誰莫言之

非後之人主所能知也。予嘗歷覽山東河北自兵興以來州縣之能不至於殘破者多得之豪家大姓之力而不盡恃乎其長吏乃至河東問賊李自成所以長驅而下三晉之故慨焉傷之。或言曰崇禎之末輔臣李建泰者曲沃人也賊入西安天子臨朝而歎建泰對言臣鄰當賊衝臣請率宗人鄉里出財百萬爲國家守河上大喜命建泰督師親餞之正陽門樓舉累朝所傳之御器而酌之酒因以賜之未出京師平陽太原相繼陷建泰不知所爲師次真定而賊已自居庸入矣此其人材之凡劣固又出於王鐸張濬之下二人皆唐末宰相統師出討而敗績者而上之人無權以與之無法以聯之非一

朝一夕之故矣。乃欲其大臣者以區區宰輔之虛名而繫社稷安危之命。此必不可得之數也。周官太宰以九兩繫邦國之民。五曰宗以族得民。觀裴氏之與唐存亡亦略可見矣。夫不能復封建之治。而欲藉士大夫之勢以立其國者。其在重氏族哉。其在重氏族哉。

強宗大族可以維持州縣則州縣而世守之。其能藩屏王室矣。故先生欲寓封建之法于郡縣之中也。

○拽梯郎君祠記

忠臣義士性也。葬慕其名而爲之名者國家之所以報忠臣義士也。報之而不得其名於是姑以其事名之以爲後之忠臣義士者勸而若人之心何慕焉。何恨焉。平原君朱建之子罵單于而死而史不著其名。田橫之二客自剄以從其主而史并亡其姓錄其名者而遺其晦者非所以爲勤也。謂忠義而必有名而後出於忠義又非所以爲情也。余過昌黎其東門有拽梯郎君祠云方東兵之入遵化薄京師下永平而攻昌黎也。俘掠人民以萬計驅使之如牛馬。是時昌黎知縣左應選與其士民嬰城固守而敵攻東門甚。

急是人者爲敵。昇雲梯至城下。登者數人。將上矣。乃拽而攢之。其帥礮諸城下。積六日不拔。引兵退。城得以全。事聞。天子立擢昌黎知縣爲山東按察司僉事。丞以下遷職有差。又四年。武陵楊公嗣昌以巡撫至。始具疏上。請邑之士大夫皆蒙褒敍。民兵死者三十人。立祠祀之。而楊公曰。是拽梯者雖不知何人。亦百夫之特。乃請旨封爲拽梯郎君。爲之立祠。嗚呼。吾見今日亡城覆車之下。其被俘者雖以貴介之子。茲誦之士。且爲之割薪芻拾馬矢。不堪其苦。而死於道路者。何限也。而郎君獨以其事著。吾又聞奢寅之攻成都也。一銃手在賊梯上。得間。向城中言曰。我良民也。賊以鐵索

繫我守梯。我仰天發銃。未嘗向官軍也。今夜賊飲必醉。可來救我。官軍如其言。夜出斫營。火其梯。賊無得脫者。而銃手死矣。若然忠臣義士。豈非本於天性者乎。郎君之祠。且二十餘年。而幸得無毀。不爲之記。無以傳後。張生莊臨親其事者也。故以其言書之。

郎君祇率其性。本不求名。而巡撫祠之先生記之。名遂不朽于世。深得春秋表微之旨。

○復庵記

舊中涓范君養民以崇禎十七年夏自京師徒步入華山爲黃冠數年始克結廬於西峯之左名曰復庵華山之賢士大夫多與之遊環山之人皆信而禮之而范君固非方士者流也幼而讀書好楚辭諸子及經史多所涉獵爲東宮伴讀方李自成之挾東宮二王以出也范君知其必且西奔於是棄其家走之關中將盡厥職焉乃東宮不知所之而范君爲黃冠矣太華之山懸崖之巔有松可蔭有地可蔬有泉可汲不稅於官不隸於宮觀之籍華下之人或助之材以創是庵而居之有屋三楹東向以迎日出余嘗一宿

其庵開戶而望大河之東雷首之山蒼然突兀伯夷叔齊之所采
薇而餓者若揖讓乎其間固范君之所慕而爲之者也自是而東
則汾之一曲綿上之山出沒於雲烟之表如將見之介子推之從
晉公子旣反國而隱焉又范君之所有志而不遂者也又自是而
東太行碣石之間宮闕山陵之所在去之茫茫而極望之不可見
矣相與泣然作此記畱之山中後之君子登斯山者無忘范君之
志也

後幅從東向生出情緒引古證今所以嗟頌之者至矣

○華陰王氏宗祠記

昔者孔子旣沒。弟子錄其遺言以爲論語。而獨取有子曾子之言。次於卷首。何哉。夫子所以教人者。無非以立天下之人倫。而孝弟。人倫之本也。慎終追遠。孝弟之實也。甚哉。有子曾子之言似夫子也。是故有人倫。然後有風俗。有風俗。然後有政事。有政事。然後有國家。先王之於民。其生也。爲之九族之紀。大宗小宗之屬。以聯之。其死也。爲之疏衰之服。哭泣殯葬。虞附之節。以送之。其遠也。爲之廟室之制。禘嘗之禮。鼎俎籩豆之物。以薦之。其施之朝廷。用之鄉黨。講之庠序。無非此之爲務也。故民德厚而禮俗成。上下安而暴

愚不作。自三代以下。人主之於民。賦歛而已。爾役使之而已。爾凡所以爲厚。生正德之事。一切置之不理。而聽民之所自爲。於是

此古今一大轉關。

乎教化之權。常不在上而在下。兩漢以來。儒者之效亦可得而攷

矣。自二戴之傳。二鄭之注。專門之學。以禮爲宗。歷三國兩晉南北朝五季。干戈分裂之際。而未嘗絕也。至宋程朱諸子。卓然有見於

遺經。而金元之代。有志者多求其說於南方。以授學者。及乎有明之初。風俗淳厚。而愛親敬長之道。達諸天下。其能以宗法訓其家。人而立廟以祀。或累世同居。稱之爲義門者。亦往往而有。十室之忠信。比肩而接踵。夫其處乎雜亂偏方。閨門之日。而守之不變。孰

勸帥之而然哉。國亂於上而教明於下。易曰：「改邑不改井。」言經常之道。賴君子而存也。嗚呼！至於今日而先王之所以爲教，賢者之所以爲俗，殆漸滅而無餘矣。列在縉紳而家無主福，非寒食野祭，則不復見其先人。期功之慘，遂不制服。而父母之喪，多留任而去。同姓通宗而不限於奴僕。女嫁死無出，則責償其所遺之財。昏媾異類而脅持其鄉里利之所在，則不愛其親而愛他人。於是機詐之變日深，而廉恥道盡。其不至於率獸食人而人相食者，幾希矣。昔春秋之時，弑君三十六，亡國五十二，而秉禮之邦，守道之士，不絕於書。未若今之滔滔皆是也。此五帝三王之大去，其天下而

乾坤或幾乎其息之秋也。又何言政事哉。吾友華陰王君宏撰鄰
華先生之季子而爲徵華先生後者也。遊婺州二年而歸，乃作祠
堂以奉其始祖，聚其子姓而告之，以尊祖敬宗之道。其鄉之老者
喟然言曰：「不見此禮久矣，爲之兆也。」其足以行乎？孟子有言：「惻隱
之心，仁之端也。」夫躬行孝弟之道，以感發天下之仁心，使之惕然
有省。而觀今世之事，若無以自容。然後積汙之俗可得而新，先王
之教可得而興也。王君勉之矣。

原委深長，特借題發揮之，以訓正世俗。此先生文之近曾南豐
者

○讀隋書

古今稱國計之富者莫如隋。然攷之史傳，則未見其有以爲富國之術也。當周之時，酒有榷，鹽池、鹽井有禁，入市有稅。至開皇三年而並罷之。夫酒榷鹽鐵市征，乃後世以爲關於邦財之大者。而隋一無所取，則所仰賦稅而已。然開皇三年調絹一匹者減爲二丈，役丁十二番者減爲三十日，則行蘇威之言也。繼而開皇九年，以江表初平，給復十日，自餘諸州並免當年租稅十年，以宇內無事，並寬徭賦。百姓年五十者輸庸停放十二年。詔河北河東今年田租三分減一，兵減半功，調免全則。其于賦稅復闊略如此。然文帝

受禪之初卽營新都徙居之繼而平陳又繼而討江南嶺表之反側者則此十餘年之間營繕征伐未嘗廢也史稱帝于賞賜有功並無所愛平陳凱旋因行慶賞自門外夾道列布帛之積達於南郭以次頒給所賞三百餘萬段則又未嘗吝於用財也夫旣非苛賦斂以取財且時有征役以糜財而嘗賜復不吝財則宜用度之空匱也而何以殷富如此考之於史則高帝躬履儉約六宮服澣澣之衣乘輿供御有故倅者隨令補用非燕享不過一內有司嘗以布袋貯乾薑以氈袋進香皆以爲費用大加譴責嗚呼夫然後知大易所謂節以制度不傷財不害民孟子所謂賢君必恭儉禮

下取于民有制者信利國之良規而非迂闊之談也。漢隋二文帝皆以躬履朴儉當其國。漢文師黃老，隋文任法律而所行暗合聖賢。如此後之談孔孟而行管商者乃曰苟善理財雖以天下自奉可也。而其黨遂倡爲豐亨豫大惟王不會之說飾六藝文姦言以誤人國家至其富國強兵之效不逮隋遠甚豈不謬哉。

從不生財不苛取不吝費處究出所以足國之故隋文遂得興漢文並稱不獨善于讀史兼可爲後王殷鑒